

重遲速叙之不妨卿等此論非特於此也後日被罪者自明其失雖或
自上治罪或臺諫駁之不畏矣然則紀綱安在哉然大臣之意非他若
無情之事至於罷則似重故言及於此而已卿等亦勿辭可也○夜良
方北方有氣如火○丁亥領議政金謹思左議政金安老右議政尹殷
輔啓曰伏見憲府所啓以臣等之議為不平穩又曰非和衷共濟之義
意又曰只將叙之當否回啓而反覆辨論指意多端又曰若此成例
恐有後弊云臣等俱以尋薄冒居具瞻被此峻論豈得安焉前刑曹緘
答之語臣等未知其果如何但暴申之際雖有言失不足繩較而罪至
於罷實所未安臣等嘗聞中朝之士雖在劾問或有陳列自白在我
祖宗朝及當代之初如非顯有陵觸亦未有先摘緘辭而為之罪此臣
等耳目所逮在劾陳自雖不足法然亦使受罪者得盡其辭而其罪之
實亦非虛辭飾說之所能掩故也近來士習醜慢朝廷不嚴故法官欲
矯其習或於緘中舉此言按罪者累矣後遂成例為弊恐深臣等議欲開
陳翼有省改而宰相有言則輒致紛紜故因仍不果及奉聖問烏得
有隱臣等之議非獨為刑曹官吏而泛論近時之弊其曰雷霆之下當
使下情畢達者乃謂雖入主震怒之下亦當使畢其情非謂法司緘問